

United Nations
Nations UniesInternational Criminal Tribunal
for the former Yugoslavia
Tribunal Pénal International
pour l'ex-Yougoslavie

(IT-98-32/1-R77.2)

JELENA RAŠIĆ**JELENA RAŠIĆ***Osuđena za nepoštovanje Međunarodnog suda u predmetu Lukić i Lukić*

Član tima odbrane Milana Lukića

Osuđena na 12 mjeseci zatvora

*Krivična djela za koja je osuđena:***Nepoštovanje Međunarodnog suda (Pravilo 77(A), (B) i (G) Pravidnika o postupku i dokazima Međunarodnog suda)**

- Dana 18. oktobra 2008. ili približno tog datuma, Rašić je svjesno i hotimično omela provođenje pravde na Međunarodnom sudu tako što je od Zuhdije Tabakovića iz Višegrada pribavila lažnu izjavu svjedoka u zamjenu za 1.000 eura u gotovini;
- Navodno je podstakla i/ili ubijedila Tabakovića da pribavi lažne izjave svjedoka od druge dvije osobe u zamjenu za isplatu od 1.000 eura.

Optužnica	9. jul 2010. (objelodanjena 22. septembra 2010.)
Prebačena na Međunarodni sud	20. septembar 2010.
Prvo stupanje pred sud	22. septembar 2010, izjasnila se da nije kriva
Presuda o kazni Pretresnog vijeća	7. februara 2012. osuđena na kaznu zatvora od 12mjeseci
Presuda Žalbenog vijeća	16. novembar 2012., kazna potvrđena

STATISTIČKI PODACI

S obzirom da sporazum o izjašnjanju o krivici sklopljen prije početka suđenja, suđenje nije bilo potrebno.

PRESUDA O KAZNI PRETRESNOG VIJEĆA	
Pretresno vijeće III	sudija Howard Morrison (predsjedavajući), sudija Michèle Picard i sudija Matimba Nyambe
Tužilaštvo	Paul Rogers
Obrana	Mira Tapušковиć

ŽALBENI POSTUPAK	
Žalbeno vijeće	sudija Khalida Rachid Khan (predsjedavajuća), sudija Mehmet Güney, sudija Fausto Pocar, sudija Arlette Ramarosan, sudija Andrésia Vaz
Tužilac	Paul Rogers
Obrana	Mira Tapušковиć
Presuda	16. novembar 2012.

OPTUŽNICA I OPTUŽBE

U skladu s pravilom 77 Pravilnika o postupku i dokazima, Međunarodni sud može da pokrene postupak za nepoštovanje suda. Nadležnost MKSJ-a u vezi s predmetima nepoštovanja nije izričito navedena u Statutu. Međutim, čvrsto je uvriježeno da Međunarodni sud ima inherentnu nadležnost, proisteklu iz njegove sudske funkcije, kako bi se obezbijedilo da vršenje nadležnosti koja mu je Statutom izričito povjerena ne bude ometano i da njegove osnovne sudske funkcije budu zaštićene. Kao međunarodni krivični sud, ovaj Međunarodni sud ima inherentno ovlaštenje za krivično gonjenje zbog ponašanja kojim se ometa njegovo sprovođenje pravde. To ometanje može uključivati ponašanje kojim se sprovođenje pravde ometa, nanosi mu se šteta ili se ono zloupotrebljava. Oni koji na takav način svjesno i hotimično ometaju sprovođenje pravde Međunarodnog suda mogu stoga biti proglašeni krivim za nepoštovanje Međunarodnog suda.

Optužnica protiv Jelene Rašić podnijeta je na povjerljivoj osnovi 9. jula, a potvrđena je 26. avgusta 2010. Objelodanjena je 22. septembra 2010. Prema navodima optužnice, 18. oktobra 2008. ili približno tog datuma, Rašić se sastala sa Zuhrijom Tabakovićem u Sarajevu, Bosna i Hercegovina, i pokazala mu prethodno pripremljenu izjavu svjedoka koju je trebalo upotrijebiti u predmetu *Lukić i Lukić* i rekla da će mu dati 1.000 eura ako on potvrdi, potpiše i ovjeri tu izjavu. Rašić je rekla Tabakoviću da će dobiti još novca ako dođe u Haag da u skladu s izjavom svjedoči u korist Milana Lukića. Rašić se 20. oktobra 2008. sastala s Tabakovićem u zgradi Opštine Novi Grad (Sarajevo). On je potpisao više primjeraka izjave i te potpise je istoga dana ovjerio opštinski službenik. Optužena je zadržala original izjave, a dala Tabakoviću jedan primjerak. Ta izjava je bila lažna budući da Tabaković nije imao nikakvih saznanja o bilo kojem od događaja navedenih u izjavi. Nakon što je njegov potpis ovjeren, Rašić mu je dala kovertu u kojoj je bilo 1.000 eura.

Dalje, tokom njihovog sastanka 18. oktobra ili približno tog datuma, Rašić je Tabakoviću predočila sadržaj dviju dodatnih prethodno pripremljenih izjava koje su trebale biti upotrijebljene u predmetu *Lukić i Lukić* i u kojima su pojedinci o davaocima izjava bili izostavljeni. Ponudila je Tabakoviću nagradu ako pronade još dvojicu ljudi rođenih u Višegradu koji će potpisati te lažne izjave. Tabaković je pronašao dva čovjeka ("g. X" i "g. Y"), i jednog dana između 17. i 24. oktobra 2008. sastao se s njima, pokazao im izjave i obojicu upitao da li bi bili spremni da potpišu po jednu od izjava a za uzvrat bi im isplatio po 1.000 eura. Obojica su pristala na to. Tabaković se 23. oktobra 2008. sastao s g. X i g. Y i upoznao ih sa Jelenom Rašić, koja ih je na smjenu otpratila u zgradu Opštine, gdje je kompletirala izjave. G. X i g. Y su zatim potpisali svoje izjave s datumom od 23. septembra 2008. i ovjerali svoje potpise kod opštinskog službenika. Zbog toga što su svoja imena stavili na izjave i potpisali ih, g. X i g. Y su primili po 1.000 eura.

Jelena Rašić se teretila po:

- Pet tačaka za nepoštovanje Međunarodnog suda (Pravilo 77 (A), (B) i (G) Pravilnika o postupku i dokazima)

SPORAZUM O IZJAŠNJAVANJU O KRIVICI-POTVRDNO IZJAŠNJAVANJE O KRIVICI

Procedura vezana za sporazum o izjašnjavanju o krivici je regulisana Pravilnikom o postupku i dokazima Međunarodnog suda (pravilo 62 *ter*). Tužilac i odbrana mogu se sporazumjeti da, nakon što se optuženi potvrdno izjasni o krivici po optužnici ili po jednoj ili više tačaka optužnice, tužilac može zatražiti od Pretresnog vijeća da se optužnica shodno tome izmijeni i zatražiti kaznu u okviru nekog konkretnog raspona ili se složiti s rasponom kazne koji je predložila odbrana. Pretresno vijeće ne obavezuje nijedan od takvih sporazuma.

Dana 24. januara 2012., strane u postupku su zajednički podnijele zahtjev za razmatranje sporazuma o izjašnjavanju o krivici, prema kojem je optužena odlučila da se izjasni krivom po svih pet tačaka optužnice. Dana 31. januara 2012., Vijeće je prihvatilo sporazum o izjašnjavanju o krivici.

PRESUDA O KAZNI PRETRESNOG VIJEĆA

Dana 7. februara 2012., Pretresno vijeće je izreklo presudu i proglasilo Jelenu Rašić krivom za:

- Nepoštovanje Međunarodnog suda (Pravilo 77 (A),(B) i (G) Pravidnika o postupku i dokazima)

Kazna: 12 mjeseci zatvora. U kaznu je uračunato vrijeme provedeno u pritvoru, a Vijeće je odlučilo da ostatak kazne izdržava uslovno u periodu od dvije godine

ŽALBENI POSTUPAK

Dana 12. marta 2012., Tužilaštvo je podnijelo najavu žalbe na presudu. Dana 16. marta 2012., Tužilaštvo je podnijelo svoj žalbeni podnesak.

Dana 19. marta 2012., odbrana je podnijela najavu žalbe, a 26. marta 2012., odbrana je podnijela svoj žalbeni podnesak.

Dana 16. novembra 2012., Žalbeno vijeće je potvrdilo kaznu od 12 mjeseci zatvora. Vijeće je takođe potvrdilo odluku Pretresnog vijeća da Rašić neće morati izdržavati posljednjih osam mjeseci svoje kazne, osim ako ne bude osuđena zbog nekog drugog krivičnog djela koje je kažnjivo zatvorskom kaznom, uključujući nepoštovanje suda, u razdoblju od dvije godine od 7. februara 2012.